



Sakspapir

Sakshandsamar	Arkiv	ArkivsakID
Gjermund Hagesæter	FE-040, FA-C00	21/421

Saksnr	Utval	Type	Dato
117/21	Formannskapet	PS	23.11.2021
083/21	Kommunestyret	PS	09.12.2021

Fordeling av kulturmidlar 2021

Vedlegg:

Tildelingsreglement kulturmidlar

Saksutgreiing:

Saksutgreiing:

Bakgrunn

Fedje kommune har kr.110 000,- i kulturmidlar som vert delt ut årleg. Lag og organisasjonar

med aktivitet på Fedje kan søkje om tilskot frå desse midlane. I år har Fedje kommune motteke 13 søknader innan fristen, og det har vore søkt om kulturmidlar for til saman 241 500 kr.

Lag eller organisasjon	Sum	Formål
Fedje Servering A/S	40 000	Innkjøp av projektor, lerret og lydanlegg for visning av diverse idrett, innkjøp av dart, shuffelboard
Stormark Grendahus	25 000	Drift, varmepumpe
Vesttun Bygdelag	20 000	Drift, nye bord
Fedje Indremisjon	10 000	Drift, oppussing
Fedje Musikkorps	50 000	Vedlikehald av instrumentar og dirigentutgifter
Fedje Idrettslag	30 000	Utstyr til e-sport og frisbeegolf
Between	5000	Drift og utstyr
Fedje Dungeons and Dragons	3500	Bøker til bruk i spel
Fedje Rockeklubb	18 000	Innkjøp av nye høgtalare
Feiekostane	15 000	Dirigentkostnadar
Koral	10 000	Digitalisering notar, arrangement
Fedje teaterlag	10 000	Instruktør i samband med revy
Nordhordland Veteranbåtlag	5000	Reperasjon av «DS Oster»

Fordelinga av kulturmidler er teke på bakgrunn av tildelegeringsreglement vedteke i Fedje



Fedje kommune

kommunestyre 03.09.03

- Sak 047/03 (vedlagt).

Vurdering

I § 1 i tildelingsreglementet heiter det: *Kulturmidlar kan delast ut til frivillige lag og organisasjonar som har sitt virke i Fedje kommune, og som driv ein jamn og fast aktivitet (...) Det er då eit*

krav at organisasjonen oppgir kor mange medlemmer som finst på Fedje.

Fedje Servering A/S har søkt om 40 000 til innkjøp av projektor, lerret og lydanlegg for visning av diverse idrett, innkjøp av dart, shuffelboard. Dei skriv at dei ønskjer midlar til utstyr for at fab. 8 skal verta ein kulturell samlingstad på Fedje. Sidan Fedje Servering A/S ikkje er eit frivillig lag eller organisasjon og av den grunn ikkje har medlemstal, vert det vanskelig for rådmann å dele ut kulturmidlar til Fedje Servering A/S. Rådmann avslår dermed søknaden til Fedje Serving A/S og legg til grunn tildelingsreglementet.

Nordhordland Veteranbåtlag har søkt 5000 kroner i tilskot til å reparere «DS Oster». Det vert ikkje nemnd i søknaden om Nordhordland Veteranbåtlag har medlemmar på Fedje og rådmann avslår dermed søknaden til Nordhordland Veteranbåtlag og legg til grunn tildelingsreglementet.

I følge § 11 i tildelingsreglementet skal: *tilskot frå kulturmidlane skal ikkje gå til lag/ organisasjonar som berre driv og/ eller leiger ut bygg.*

Stormark grendahus har søkt om 25 000 til ny varmepumpe. Stormark grendahus har få eige arrangement og driv i stor grad med utleige og drifting av bygg. Rådmannen føreslår å dele ut 2500 til Stormark grendahus og legg til grunn § 11 i tildelingsreglementet.

Vesttun bygdelag har søkt om 20 000 til nye bord. Bygdelaget har få eige arrangement og driv i stor grad med utleige og drifting av bygg. Rådmannen føreslår å dele ut 2500 til Vesttun bygdelag, me legg til grunn § 11 i tildelingsreglementet.



Fedje kommune

Fedje indremisjon har søkt om 10 000 til oppussing og drift av bedehuset. Ungdomsklubben Between, som er tilknyttet Nordhordland Indremisjon, har søkt eiga tilskot.

Rådmannen foreslår å dele ut 2500 til Fedje indremisjon, og legg til grunn § 11 i tildelingsreglementet.

§ 10 i tildelingsreglement lyder: *Lag/ organisasjonar som driv aktivitetar for, eventuelt med, bom og ungdom vil verta prioritert.*

Fedje idrettslag oppgjer dei har 142 medlemmar der 81 medlemmar under 18 år (55 medlemmar under 12 år og 26 medlemmar mellom 12 og 18 år). og har søkt om å få 30 000 kr i tilskot til utstyr til e-sport og frisbee-golf.

I tildelingsreglementet § 6 heiter det: *Lag og organisasjonar som bryt med intensjonen med bruken av dei tildelte midlane, kan vert nulla ved neste års tildeling (...).*

Den 28/10, kl 1235, vart følgjande mail sendt Fedje Idrettslag:

«Hei.

I fjor (formannskapsmøte 13.10.2020, sak 081/20) vart Fedje idrettslag tildelt 27 000 kroner i kulturmidler, det vart lagt til grunn at midlane skulle nyttast til å oppgradere skuret på fotballbana.

Me har no motteke ny søknad frå dykk og lurar på om midlane frå i fjor vart nytta til det som var avtalt?

I tildelingsreglementet § 6 heiter det: Lag og organisasjonar som bryt med intensjonen med bruken av dei tildelte midlane, kan vert nulla ved neste års tildeling (...).

Ber om snarleg tilbakemelding seinast innan ei veke.

Dersom spørsmål kan underteikna kontaktast.»

Rådmannen har enno ikkje motatt noko svar frå Fedje Idrettslag og har derfor ikkje noko grunnlag for å vurdere eventuelle planar for oppgradering av skuret.

Rådmannen har i utgangspunktet ikkje noko ønske om at Fedje idrettslag skal verta nulla ut, men at midlane vert brukt til det som var intensjonen. I fjor fekk idrettslaget 27 000 i midlar som skulle nyttast til å oppgradere skuret på fotballbana og rådmannen har ikkje noko fått noko informasjon som tyder på at dette er gjort. Fedje idrettslag er ein stor og viktig instutisjon, (rett nok oppgjer dei



Fedje kommune

fleire medlemmar enn det er born på Fedje, men det er mogeleg dei teljer born som er med på fleire aktivitetar fleire gonger.) På bakgrunn av dette foreslår rådmannen at det vert sett av kr 30 000,- til Fedje idrettslag, men at pengene ikkje vert betalt ut før det vert gjeve ei tilfredstillande grunngjeving om framdrift for oppussing av skur som dei har fått midlar til tidligare. Dersom ikkje slik grunngjeving vert gjeve vert midlane ikkje utbetalt. Rådmannen foreslår at det er ordførar som vurderer om kravet er oppfylt.

Fedje musikkorps har søkt om 50 000 kr, til vedlikehald av instrumentar, arrangement og dirigentutgiftar. Fedje musikkorps har 13 medlemmar under 18 år ei viktig instutisjon i Fedje kommune. Men på grunn av begrensa midlar å dele ut, er det ikkje høve til å kome musikkorpset i møte med den summen dei søker om. Rådmannen foreslår at Fedje musikkorps får tildelt 25 000 kr.

Ungdomsklubben Between som er tilknytta Nordhordland indremisjon har søkt eit tilskot på 5000 kr til drift og utstyr, rådmannen foreslår at denne summen vært tildelt.

Fedje Dungeons and Dragons Klubb søker 3500 i midlar til meir utstyr (bøker). Det er positivt og i tråd med tildelingsreglement å støtte ulike typer tilbod retta mot barn og unge. Rådmannen foreslår difor at Fedje Dungeons and Dragons klubb får 3500 i tilskot, same sum dei har søkt om.

I tillegg har ei del aktørar med flest vaksne medlemmer søkt kulturmidlar.

Fedje teaterlag har søkt om 10 000 til instruktør. Fedje teaterlag har årleg revy til glede for mange, både vaksne og barn. Rådmannen foreslår at teaterlaget får 8000 kr i tilskot, noko mindre enn kva dei søker om grunna begrensa midlar å dele ut.

Fedje Rockeklubb søker om 18 000 kr til nye høgtalare. Rockeklubben peikar at dei ofte har ansvar for lyd når det er arrangement i Fedje kommune, som kjem mange innbyggjare til nytte, både vaksne og barn. Dette er ein viktig jobb. Grunna begrensa midlar å dele ut foreslår rådmannen eit tilskot på 10 000 kr.

Koret **Fedjekostane** søker om 15 000 kr i tilskot til dirigent. Dette er eit kor som engasjerer og gleder mange, både vaksne og barn, med t.d. konsertar og arrangement. Rådmannen foreslår at



Fedje kommune

Fedjekostane får 11 000 i tilskot til dirigent.

Koret **Koral** har søkt om 10 000 kr til ulike aktivitetar inkludert digitalisering av notar. Dette er eit kor som er til glede for mange innbyggjare, både vaksne og barn, med t.d. konsertar. Rådmannen føreslår å dele ut 8000 til Koral i tilskot til tiltaka dei nemner.

Folkehelse: Fleire av laga og organisasjonane har aktivitet som er relevant for folkehelsa. Miljø: Ikkje relevant i denne saka

Økonomi: I tråd med § 5 i tildelingsreglement har alle laga og organisasjonar som vert tilråda innvilga kulturmidlar levert reknskap frå føregåande år.

Konklusjon

Dei fleste får mindre enn dei har søkt om, grunna begrensa midlar til rådvelde. Bygdelaga og Fedje indremisjon får i tråd med § 11 vesentleg mindre enn dei har søkt om. Lag og organisasjonar med høg og jamn grad av aktivitet for og med barn og unge vert prioritert, jamfør § 10 i tildelingsreglementet. Fedje Servering A/S og Nordhordland Veteranbåtlag får avslag på sin søknad sidan dei ikkje oppfyller krav i tildelingsreglementet. Fedje Indrettslag si tildeling vert gjeve med forbehold.

Innstilling til vedtak vert då som følgjer:



Fedje kommune

Lag eller organisasjon	Sum	Formål
Fedje Servering A/S	avslag	Innkjøp av projektor, lerret og lydanlegg for visning av diverse idrett, innkjøp av dart, shuffelboard
Stormark Grendahus	2500	Drift, varmepumpe
Vesttun Bygdelag	2500	Drift, nye bord
Fedje Indremisjon	2500	Drift, oppussing
Fedje Musikkorps	26000	Vedlikehold av instrumentar og dirigentutgiftar
Fedje Idrettslag	30 000	Utstyr til e-sport og frisbeegolf
Between	5000	Drift og utstyr
Fedje Dungeons and Dragons	3500	Bøker til bruk i spel
Fedje Rockeklubb	9 000	Innkjøp av nye høgtalare
Feiekostane	11 000	Dirigentkostnadar
Koral	9 000	Digitalisering notar, arrangement
Fedje teaterlag	9 000	Instruktør i samband med revy
Nordhordland Veteranbåtlag	avslag	Reperasjon av «DS Oster»

Forslag til vedtak:

Kulturmidlane vert fordelt i tråd med saksutgreiinga.

Utbetaling av kr 30 000,- til Fedje idrettslag vil berre skje dersom det vert gjeve ei tilfredstillande grunngjeving innan 1/7-22 på at tidlegare års utbetaling er nytta eller vil bli nytta slik forutsetningane var. Grunngjevinga vert gjeve til ordførar som som vurderer om utbetaling kan finna stad.

Formannskapet - 117/21

F - behandling:

F - vedtak:

Kulturmidlane vert fordelt i tråd med saksutgreiinga.

Utbetaling av kr 30 000,- til Fedje idrettslag vil berre skje dersom det vert gjeve ei tilfredstillande grunngjeving innan 1/7-22 på at tidlegare års utbetaling er nytta eller vil bli nytta slik forutsetningane var. Grunngjevinga vert gjeve til ordførar som som vurderer om utbetaling kan finna stad.

Samrøystes vedteke.



Fedje kommune

Kommunestyret - 083/21

K - behandling:

K - vedtak:

Saka er ferdig handsama i formannskapet. Saka var ikkje til handsaming i kommunestyret.